

續修陳州志

六

武功

天下事變無常豪傑惟人自命大之以衛社稷
小之以固里閭故武夫干城未嘗不矜慎許也
宛丘風傘似亦有南北之殊顧其人則不可泯
矣

春秋

賈獲爲陳哀公大夫鄭子展子產帥車七百乘伐
陳宵突陳城遂入之哀公扶其太子偃師奔墓
遇司馬桓子曰載余曰將巡城遇獲載其母妻

下之而授公車公曰舍而母辭曰不祥公與太

子得車遂免於難獲與其妻扶其母奔墓亦免

左傳

漢

賈逵爲刺史公大夫獲千石千石輜車十百

朱鮪淮陽人先與新市人王匡王鳳及諸亡命馬

武等從劉玄綠林中地皇二年合平林兵及春

陵諸部共立玄爲天子改元更始拜鮪爲大司

馬使與李軼等鎮撫關東赤眉西入關更始敗

鮪與河南太守武勃共守洛陽光武將北徇燕

趙以寇恂爲河內太守拜馮異爲孟津將軍統

二郡軍河上與恂合勢以拒鮪等異乃遣李

書勸之降

語在漢書異傳

乃報異書異見其信效具以

奏聞光武故宣露軌書令鮪知之鮪怒遂使人

刺殺軌由是城中乖離多有降者光武卽位遣

大司馬吳漢等圍洛陽鮪堅守不下帝以岑彭

常爲鮪校尉令往說之鮪曰大司徒被害時鮪

與其謀又諫更始無遣蕭王北伐自知罪深彭

還具言于帝帝曰夫建大事者不思小怨鮪今

若降官爵可保況誅罰乎河水在此吾不食言

彭復往告鮪乃面縛詣河陽帝卽解其縛令彭

夜送鮪歸明日悉其衆出降封扶溝侯

范書等傳節文

唐

與其書又鄭

聖德皇帝

王

其書

趙犇青州人世爲忠武軍牙將後籍宛丘垂髫時

與里兒戲道左常分布行列爲陣狀自爲董帥

指顧有節群兒無敢亂者父叔文目而異之曰

是當大吾門稍長喜書學擊劍善射爲人勇果

重義氣刺史聞其材召置麾下會昌中從叔文

北征收天井關又從征變斬獲其衆以功累遷

忠武馬步軍都虞侯廣明初黃巢陷長安人心
騷動陳州豪傑數百人相與詣節度府請犍爲
刺史表于朝授之及視事會官屬計曰巢若不
死長安必東出關陳其衝也不可不爲之備乃
增墉濬溝實倉廩峙薪芻凡民有資糧者悉令
徙入城中繕甲兵招勁卒以仲弟昶季弟翊爲
大將長子楚爲郡守巢敗果出藍田關驍將孟
楷寇蔡州節度使秦宗權逆戰不勝遂降賊移
兵擊陳直抵項城犍襲擊擒之巢素寵楷聞其

死驚且怒悉衆據激水與宗權合兵數十萬繚
長壕五周百道攻之州人大悉犇令曰忠武素
著義勇陳州號爲勁兵今雖家寡不敵男子當
死地求生徒懼無益也且一死不愈生爲賊乎
吾家世食陳祿誓與此州存亡異議者斬衆聽
命引銳士出戰屢破賊衆益怒將必屠之乃於
於城東五里爲宮闕之制曰八仙營列百官曹
署儲糧爲持久計犇小大數百戰皆負相當故
人心固犇遣人間道四出以散其衆節度使李

克川遂率山西諸軍會關東諸鎮赴援朱全忠
與諸軍先壁瓦子堡犄望其旗鼓亟出軍縱火
夾攻賊寨斬萬餘級圍凡三百日而解巢黨尚
壁故陽里官軍合勢急攻之五月大雨震雷平
地水深三尺衆潰巢尋伏誅宗權復大出兵寇
畧鄰道所至屠剪焚蕩其殘暴又甚于巢極目
千里無復烟火惟陳賴孳獨完以功累進同中
書門下平章事忠武軍節度仍治陳州流亡踵
還與弟昶至友愛後將老下令以軍州事付之

數月犂卒贈大尉

趙昶字大東犂之弟神采軒異而內沈原臨事有
通變才孟楷之據項城也昶與兄犂共擊破之
生擒楷以歸巢黨攻陳號稱百萬昶悉力捍禦
夜振師疲假寢恍惚間如得神助遲明決戰若
有陰兵前導者擒賊將數人斬首十餘級賊破
圍解朝廷疊加爵秩以昶代犂爲忠武節度使
昶乘大寇滅後畱心政事勸課農桑大布恩惠
景神初陳許將吏耆老錄其功詣闕以聞昭宗

嘉之命文臣撰德政碑豎於通衢旌馬乾寧二
年卒年五十三贈太尉

趙珣字有節驍李弟也雄毅喜書善騎射驍爲陳
州刺史以珣爲親從都兵馬使巢之難以百萬
先聲振陳陳人大懼珣與二兄堅心誓衆約皆
死以先冢邇賊畏見殘骸卽夜縋死士取柩以
入庫有巨弩機牙翼不能張珣以意調治激矢
至五百步人馬皆洞賊畏不敢逼賊破圍解珣
公幹之才播於遠邇民之利病無不洞知庶事

簡簾公私俱濟全忠愍加慰薦尋爲節度使加
特進檢校司徒陳士惡善圮珣疊甓表墉遂無
患按鄧艾故蹟夾翟王渠溉稻以利農陳人大
賴之光化二年封天水郡公昭宗還長安詔入
朝賜號迎鑾功臣以檢校太傅爲右金吾衛上
將軍從東遷歲餘以疾免官歸陳卒於家年五
十五贈侍中陳爲罷市

唐李肅字行中州人以功封田王建中中天子幸
奉天閩叛將牛氏乘中原多事閉關竊據及朱

此平天子賜肅弓矢命之曰噶粵弗庭汝實奮
之肅率精銳數萬至臨汀浮流卒與賊遇後兵
不繼肅力戰而死屍浮水上彌月不變鄉民爲
糾憫肅忠勇殮而祀之凡有所禱輒應貞元十
五年有司以聞勅封孚祐廣烈王妃陳配享令

有廟在永安縣曰唐田王廟

延平志

宋符彥卿字冠侯能騎射事莊宗於太原以謹愿
稱出入卧內及長以爲親從指揮使郭從謙之
亂莊宗左右皆引去惟彥卿力戰射殺十數人

天成三年討王都于定州大破契丹于嘉山克
其城授耀州團練使改慶州刺史清泰初收易
州賜戎服介冑戰馬嘗獵一日射麋斃狼狐兔
四十二觀者神之晉天福初授同州節度兄彥
饒叛彥卿上表待罪乞歸晉祖釋不問改左右
羽林鎮鄜延少帝幼與彥卿狎卽位召還出鎮
河南三城遼人南侵詔彥卿率所部拒戰澶契
丹騎兵數萬圍高行周於鐵丘諸將莫敢當其
鋒彥卿獨引數百騎擊之遼人遁去開運二年

晉北鄰契丹主率衆十餘萬圍晉師於陽城
軍中乏水鑿井輒壞爭絞泥吮之馬多渴死時
晉師居下風將戰弓弩莫施彥卿謂張彥澤皇
甫遇曰與其束手就擒曷若死戰然未必死彥
澤等然之遂潛兵尾其後順風擊之契丹大敗
獲其器甲旗伏數萬以歸少帝嘉之爲左右所
間再出師河朔彥卿不預會彥澤引遼兵入汴
彥卿遂歸遼遼主以陽城之敗詰彥卿對曰臣
事晉主不敢愛死今日之事死生唯命遼主笑

而釋之漢祖人汴彥卿自徐州來朝封魏國公
周祖卽位封魏王宋太祖建隆四年春來朝賜
襲衣玉帶宴射於金鳳園太祖七發皆中的彥
卿貢名馬稱賀開寶二年六月移鳳翔節度被
病肩輿赴鎮爲御史所劾下畱司御史臺太祖
以姻舊特免推鞠止罷其節制八年六月卒喪
事官給彥卿將家子勇畧有謀善用兵存審之
第四子軍中謂之符第四前後賞賜鉅萬悉分
給帳下故士卒樂爲効死遼人自陽城之敗尤

畏彥卿或馬病不飲齧必唾而呪曰此中豈有
符王邪性不飲酒頗謙恭下士對賓客終日談
笑不及世務不伐戰功居洛陽七八年每春月
乘小駟從家僮一二遊僧寺名園優游自適周
世宗宣懿皇后太宗懿德皇后皆彥卿女也自
恭帝及太祖兩朝賜詔書不名子昭信昭愿昭
壽昭信天雄軍衙內都指揮使領賀州刺史周
顯德初卒昭愿字致恭謹厚謙約頗讀書好事
周廣順中以蔭補累拜本州防禦使子承煦爲

左千牛衛將軍昭壽自有傳

金

李夷字子遷後名伋字季武陳人出於兵家能刻苦爲學喜讀史書究古今成敗治亂尤喜武事習兵法擊劍馳射有志于功名累舉詞賦不中後以武舉進身夷爲人介持自守不群貞祐末渾源劉某爲陳幕一見喜之爲延譽諸公間後爲麻知幾雷希顔所重東方後進輩推以爲冠無何陳陷死年四十二京叔爲哀詞道其爲人